

摘藻堂四庫全書薈要

集部

欽定四庫全書薈要卷一萬八千二百二

集部

御定全唐詩卷七百九十七

武后宮人

離別難

武后朝有士人陷冤獄妻配掖庭善吹簫策乃撰離別難曲以寄情焉

初名

大郎神蓋取良人第行也既畏人知遂三易其名曰悲切子終號怨回鶻

此別難重陳花飛復戀人來時梅覆雪去日柳含春物
候催行客歸途淑氣新剡川今已遠魂夢暗相親

開元宮人

袍中詩

開元中賜邊軍續衣製自宮人有兵士於袍中得詩白於帥帥上之朝明皇以

詩徧示六宮一宮人自稱萬死明皇憫之以妻得詩者曰朕與爾結今生緣也

沙場征戍客寒苦若爲眠戰袍經手作知落阿誰邊蓄

意多添線含情更著綿今生已過也

一作看

結取

一作願結

後生緣

天寶宮人

題洛苑梧葉上

天寶末洛苑宮娥題詩梧葉隨御溝流出顧況見之亦題詩葉

上汎於波中後十餘日於葉上又得詩一首後聞於朝遂得遣出

舊寵悲秋扇新恩寄早春

一作紅葉上

將寄接

流人

一作一入深宮裏年年不見春聊題一片葉寄與有情人

又題

一葉題詩出禁城誰人酬和獨含情自嗟不及波中葉
蕩漾乘春取次行

德宗宮人

德宗宮人奉恩院王才人養女鳳兒也詩一首

題花葉詩

貞元中進士賈全虛於御溝得一花葉上有詩句悲想其人裴回溝上為

街吏所獲金吾奏其事德宗詢之知爲鳳兒所作因召金虛授金吾衛兵曹遂以妻之

一入深宮裏無由得見春題詩花葉上寄與接流人

宣宗宮人

宣宗宮人姓韓氏詩一首

題紅葉

盧僊應舉時偶臨御溝得一紅葉上有絕句置於巾箱及出宮人僊得韓氏觀

紅葉吁嗟久之曰當時偶題不謂郎君得之

流水何太急深宮盡日間殷勤謝紅葉好去到人間

僖宗宮人

金鎖詩

僖宗嘗自內出袍千領賜塞外吏士神策軍馬真於袍中得鎖及詩主將奏聞

帝令真赴關以作詩官人妻之

玉燭製袍夜金刀呵手裁鎖寄千里客

一作鎖情寄千里

鎖心

終不開

李舜弦

李舜弦梓州人珣之妹蜀王衍納為昭儀詩三首

隨駕遊青城

因隨八馬上仙山頓隔塵埃物象間只恐西追王母宴

却憂難得到人間

蜀宮應制

濃樹禁花開後庭
飲筵中散酒微醒
濛濛雨草瑤階溼
鐘曉愁吟獨倚屏

釣魚不得

盡日池邊釣錦鱗
芰荷香裏暗消魂
依稀縱有尋香餌
知是金鉤不肯吞

李玉簫

李玉簫蜀王衍宮人詩一首

宮詞

一作王建詩又作花蕊夫人詩

鴛鴦瓦上瞥然聲
畫寢宮娥夢裏驚
元是我王金彈子
海棠花下打流鶯

金真德

金真德新羅王金真平女也平卒無子嗣立為王詩一首

太平詩

永徽元年真德大破百濟之衆織錦作五言太平詩遣其弟之子法敏以獻

大唐開鴻業巍巍皇猷昌止戈戎衣

一作成大

定修

一作興

文

繼百王統天宗雨施理物體含章深仁諧日月撫運邁

時康幡旗既赫赫鉦鼓何鏗鏘外夷違命者翦覆被大

殃和

一作淳

風凝宇宙

一作幽顯

遐邇競呈祥四時調玉燭七

曜巡萬方維嶽降宰輔維帝用

一作任

忠良三五咸一德

昭我皇家唐

一作唐家光

寶歷宮人

句

寶歷間荆東貢舞女二人一名飛燕一名輕鳳每歌如鸞鳳音敬宗琢玉芙蓉為舞臺舞

罷即置二女於金屋實
帳由是宮中語云云

寶帳香重重一雙紅芙蓉

御定全唐詩卷七百九十七

欽定四庫全書薈要卷一萬八千二百三

集部

御定全唐詩卷七百九十八

花蕊夫人徐

一作費氏

徐氏青城人幼能文尤長於宮詞得幸蜀主孟昶賜號
花蕊夫人詩一卷

宮詞

五雲樓閣鳳城間花木長新日月間三十六宮連內苑

太平天子住

一作生

崑山

會真廣殿約宮牆樓閣相扶倚太陽淨甃玉階橫水岸
御爐香氣撲龍牀

龍池九曲遠相通楊柳絲牽兩岸風長似江南好風

一作

春景畫船來去

一作往

碧波中

東內斜將紫禁通龍池鳳苑夾城中曉鐘聲斷嚴妝罷
院院紗窗海日紅

殿名新立號重光島上亭臺盡改張但是人行幸處

黃金閣子

一作內

鎖牙牀

夾城門與內門通朝罷巡遊到苑中每日日高

一作中官祇

候處滿堤紅豔立春風

厨船

一作盤

進食簇時新侍宴

一作座

無非列

一作是

近臣日

午殿頭宣索鱸隔花催喚打魚人

立春日進內園花紅蕊輕輕嫩淺霞跪到玉階猶帶露
一時宣賜與宮娃

三面宮城盡夾牆苑中池水白茫茫直

一作亦

從獅子門

前入旋見亭臺遶岸傍

離宮別院遶宮城金版輕敲合鳳笙夜夜月明花樹底
傍池長有按歌聲

御製新翻曲子成六宮纔唱未知名盡將感策來抄譜
先按君王玉笛聲

旋移紅

一作花

樹斲新

一作斲青

苔宣使龍池更

一作再

鑿開展

得綠

一作綠

波寬似海水心樓殿勝蓬萊

太虛高閣凌虛

一作臨波

殿背倚城牆面枕池諸院各分娘

子位羊車到處不教知

修儀承寵住龍池
掃地焚香日午時
等候大家來院裏
看教鸚鵡念新詩

才人出入每參

一作相

隨筆硯將行

一作行將

遶曲池能向彩

箋書大字忽

一作勿

防禦製寫新詩

六宮官職總新除
宮女安排入畫圖
二十四司分六局
御前頻見錯相呼

春風一面曉妝成
偷折花枝傍水行
却被內監

一作媼

遙

覩見故將紅豆打黃鶯

殿前排宴賞花開宮女侵晨探幾回斜望花開

一作苑門遙

舉袖傳聲宣

一作先

喚近臣來

小球場近曲池頭宣喚勲臣試打球先向畫樓

一作廊

排

御幄管弦聲動立浮油

供奉頭籌不敢爭上棚等

一作專又作傳

喚近臣名內人酌酒

纔宣賜馬上齊呼萬歲聲

殿前宮女總纖腰初學乘騎怯又嬌上得馬來纔欲走

幾回拋鞚抱

一作把

鞍橋

自教宮娥學打球玉鞍初跨柳腰柔上棚知是官家認
遍遍長贏第一籌

翔鸞閣外夕陽天樹

一作木

影花光遠

一作水

接連望見內

家來往處水門斜過

一作畫

樓船

內家

一作人

追逐採蓮時驚起沙鷗兩岸飛蘭棹把來齊

拍水並船相鬪溼羅衣

新秋女伴各相逢罨畫船飛別浦

一作渚

中旋折荷花伴

一作半歌舞夕陽斜照滿衣紅

少年相逐採蓮回羅帽

一作襪

羅衫

一作衣

巧製裁每到岸

頭長拍水競提纖手出船來

早春楊柳引長條倚岸沿堤一面高稱與畫船牽錦纜
暖風撲出綵絲絛

內家宣錫生辰宴隔夜諸宮進御花後殿未聞宮主入
東門先報下金車

端午生衣進御牀赭黃羅帕覆金箱美人捧入南薰殿
玉腕斜封綵縷長

選進仙韶第一人，纔勝羅綺不勝春。
重教按舞桃花下，只踏殘紅作地裀。

侍女爭揮玉彈弓，金丸飛入亂花中。
一時驚起流鶯散，踏落殘花滿地紅。

七寶闌干白玉除，新開涼殿幸金輿。
一溝泛碧流春水，四面瓊鉤搭綺疏。

山樓彩鳳棲寒月，宴殿金麟吐御香。
蜀錦地衣呈隊舞，教頭先出拜君王。

天外銀河翻玉浪樓西涼月湧金盆香銷甲乙牀前帳
宮鎖玲瓏閉殿門

細風敲葉撼宮梧早怯秋寒著繡縐玉宇無人雙燕去
一彎新月上金樞

夜寒金屋篆煙飛燈燭分明在紫微漏永禁宮三十六
燕回爭踏月輪歸

曉吹翩翩動翠旗爐煙千疊瑞雲飛何人奏對偏移刻
御史天香隔繡衣

金井秋啼絡緯聲
出花宮漏報嚴更
不知誰是金鑾直
玉宇沈沈夜氣清

內庭秋燕玉池東
香散荷花水殿風
阿監采菱牽錦纜
月明猶在畫船中

東宮花燭彩樓新
天上仙橋不鎖春
偏出六宮歌舞奏
嫦娥初到月虛輪

紗幔薄垂金麥穗
簾鉤纖挂玉蔥條
樓西別起長春殿
香碧紅泥透蜀椒

翠華香重玉爐添
雙鳳樓頭曉日暹
扇掩紅鸞金殿悄
一聲清蹕捲珠簾

金作蟠龍繡作麟
壺中樓閣禁中春
君王避暑來遊幸
風月橫秋氣象新

清曉自傾花上露
冷侵宮殿玉蟾蜍
擘開五色銷金紙
碧鎖窗前學草書

翠鈿貼靨輕如笑
玉鳳雕釵裊欲飛
拂曉賀春皇帝閣
綵衣金勝近龍衣

璫聲金徹閣門環
簾捲珍珠十二間
別殿春風呼萬歲
中丞新押散朝班

雞人報曉傳三唱
玉井金牀轉轆轤
煙引御爐香繞殿
漏籤初刻上銅壺

御按橫金殿幄紅
扇開雲表露天容
太常奏備三千曲
樂府新調十二鐘

宮女熏香進御衣
殿門開鎖請金匙
朝陽初上黃金屋
禁夜春深晝漏遲

三月金明柳絮飛
岸花堤草弄春時
樓船百戲催宣賜
御輦今年不上池

內人稀見水鞦韆
爭擘珠簾帳殿前
第一錦標誰奪得
右軍輸却小龍船

夜色樓臺月數層
金猊煙穗繞觚稜
重廊屈折連三殿
密上真珠百寶燈

天門晏閉九重關
樓倚銀河氣象閒
一點星球垂絳闕
五雲仙仗下蓬山

禁裏春濃蝶自飛
御蠶眠處弄新絲
碧窗盡日教鸚鵡
念得君王數首詩

鬪草深宮玉檻前
春蒲如箭行如錢
不知紅藥闌干曲
日暮何人落翠鈿

太液波清水殿涼
畫船驚起宿鴛鴦
翠眉不及池邊柳
取次飛花入建章

御座垂簾繡額單
冰山重疊貯金盤
玉清迢遞無塵到
殿角東西五月寒

春心滴破花邊漏曉夢敲回禁裏鐘十二楚山何處是

御樓曾一作恍見兩三峯

博山夜宿沈香火帳外時聞暖鳳笙理遍從頭新上曲
殿前龍直未交更

春殿千官宴却歸上林鶯舌報花時宣徽旋進新裁曲
學士爭吟應詔詩

釣線沈波漾彩舟魚爭芳餌上龍鉤內人急捧金盤接
撥刺紅鱗躍未休

蕙炷香銷燭影殘御衣熏盡輒更闌歸來困頓眠紅帳
一枕西風夢裏寒

東宮降誕挺佳辰少海星邊擁瑞雲中尉傳聞三日宴
翰林當撰洗兒文

酒庫新修近水傍潑

一作撥

醅初熟五雲漿殿前供御煩

宣索追

一作進

入花間一陣香

白藤花限

一作籠描

白銀花閤子門當寢殿斜近被宮中知

了事每來隨駕使煎

一作烹

茶

西球場裏打球回御宴先於

一作從

苑內開宣索教坊諸

伎樂傍池催喚入船來

昭儀侍宴足精神玉燭抽看記飲巡倚賴識書為錄事
燈前時復錯瞞人

後宮阿監裏羅巾出入經過苑園頻承奉聖顏憂悞失
就中長怕內夫人

管弦聲急滿龍池宮女藏鉤

一作闌

夜宴時好是聖人親

捉得便將濃墨掃

一作授

雙眉

密室紅泥地火爐內人冬日晚傳呼今宵駕幸池頭宿
排比椒房得煖無

畫船花舫總新妝進入池心近島傍松柏樓一作鏤窗楠

木板暖風吹過一團一作四團香

三清臺近苑牆東樓檻層層映水紅盡日綺羅人度曲

管弦聲在半天中

安排諸院接行廊外一作水檻周迴十里強一作長青錦地

衣紅繡線一作毯盡鋪龍腦鬱金香

安排竹柵與芭籬養得新生鶉鴿兒宣受內家專餵飼

花毛間

一作閑

看總皆知

年初十五最風流新賜雲鬟便

一作使

上頭按罷霓裳歸

院裏畫樓雲閣總重

一作新修

金畫香臺出露盤黃龍雕刻遶朱闌焚修每遇三元節

天子親簪白玉冠

六宮一例雞

一作羅

冠子新樣交鐫白玉花欲試澹妝兼

道服面前宣與唾盂家

三月櫻桃乍熟時
內人相引看紅枝
回頭索取黃金彈
遶樹藏身打雀兒

小小宮娥到內園
未梳雲鬢臉如蓮
自從配與夫人後
不使尋花亂入船

錦城上起凝煙閣
擁殿遮樓一向高
認得聖顏遙望見
碧闌干映赭黃袍

水車踏水上宮城
寢殿簷頭滴滴鳴
助得聖人高枕興
夜涼長作遶灘聲

平頭船子小龍床多少神仙立御旁
旋刺篙竿令過岸
滿池春水蘸紅妝

苑東天子愛巡遊
御岸花堤枕碧流
新教內人供射鴨
長將弓箭繞池頭

羅衫玉帶最風流
斜揷銀篋慢裹頭
閑向一作殿前騎

一作御馬揮掉
鞭橫過小紅樓

沈香亭子傍池斜
夏日巡遊歇翠華
簾畔玉盆盛淨水
內人手裏剖銀瓜

薄羅衫子透肌膚夏日初長板閣虛獨自凭闌無一事
水風涼處讀文書

婕妤生長帝王家常近龍顏
逐翠華楊柳岸長春日暮
傍池行困倚桃花

月頭支

一作又

給買花錢滿殿宮人近數

一作盡十

千遇著唱

名多不語

一作應

含羞走

一作急

過御牀前

小雨霏微潤綠苔石楠紅杏傍池開
一枝插向金瓶裏
捧進君王玉殿來

錦鱗躍水出浮萍
荇草牽風翠帶橫
恰似金梭攬碧沼
好題幽恨寫閨情

春天睡起曉妝成
隨侍君王觸處行
畫得自家梳洗漾
相憑女伴把來呈

舞頭皆著畫羅衣
唱得新翻御製詞
每日內庭聞教隊
樂聲飛上到龍墀

春早尋花入內園
競傳宣旨欲黃昏
明朝駕幸遊蠶市
暗使羶車就苑門

半夜搖船載內家水門紅蠟一行斜聖人正在宮中飲
宣使池頭旋折花

春日龍池小宴開岸邊亭子號流杯沈檀刻作神仙女

對捧金尊

一作杯

水上來

梨園子弟簇池頭小樂攜來候宴游旋一作試炙銀笙先

按拍海棠花下合梁州

以下四十一首一作王珪詩

慢梳鬟髻著輕紅春早爭求芍藥叢近日承恩移佳處

夾城裏面占新宮

別色官司御輦家黃衫束帶臉如花深宮內院

一作苑

參

承慣常從金輿到日斜

日高房裏學圍碁等候官家未出時為賭金錢爭路數
專憂女伴怪來遲

擣菹冷澹學投壺箭倚腰身約畫圖盡對君王稱妙手
一人來射一人輸

慢揎

一作揮

紅

一作羅

袖指纖纖學釣池魚傍水邊

一作弦

忍

冷不禁還自去釣竿常被別人牽

宣城

一作徽

院約池南岸粉壁紅窗畫不成總是一人行

幸處徹宵聞

一作長

奏管弦聲

丹霞亭浸池心冷曲沼門含水脚清傍岸鴛鴦皆著對
時時出向淺沙行

楊柳陰中引御溝碧梧桐樹擁朱樓金陵城共滕王閣
畫向丹青也合羞

晚

一作曉

來隨駕上城游行到東西百子

一作尺

樓回望苑

中花柳色綠陰紅豔滿池頭

牡丹移向苑中栽盡是藩方進入來未到末春緣地暖
數般顏色一時開

明朝臘日官家出隨駕先須點內人回鶻衣裝回鶻馬
就中偏稱小腰身

盤鳳鞍韉閃

一作鞍韉
盤龍鬪

色妝黃金壓胯紫游

一作油

韉自

從揀得真龍種

一作骨

別置東頭小馬坊

翠輦每從城畔出

一作去

內人相次簇

一作立

池隈

一作邊

嫩

荷花裏搖船去

一作出

一陣香風逐水來

一作仙

高燒紅燭點銀燈
秋晚花池景色澄
今夜聖人新殿宿
後宮相競覓祇承

苑中排比宴秋宵
弦管掙撻各自調
日晚閣門傳聖旨
明朝盡放紫宸朝

夜深飲散月初斜
無限宮嬪亂插花
近侍婕妤先過水
遙聞隔岸喚船家

宮娥小小豔紅妝
唱得歌聲遶畫梁
緣是太妃新進入
座前頒賜小羅箱

池心小樣釣魚船入玩偏宜向晚天挂得綠帆教便放

急風吹過水門前

一作邊

傍池居住有漁家收網搖船到淺沙預進活魚供日料
滿筐跳躍白銀花

秋晚

一作曉

紅妝傍水行競將衣袖撲蜻蜓回頭瞥見宮

中喚幾度藏身入畫屏

御溝春水碧于天宮女尋花入內園汗溼紅妝行漸困
岸頭相喚洗花鈿

亭高百尺立春

一作當

風引得君王到此中牀上翠屏開

六扇折枝花

一作檻花初

綻牡丹紅

內人承寵賜新房紅紙

一作錦

泥窗遶畫

一作四

廊種得海

柑纔結子乞求自送

一作進

與君王

翡翠簾

一作簾

前日影斜御溝春

一作流

水浸成霞侍臣向

晚隨天步共看池頭滿樹花

金碧闌干倚岸邊捲簾初聽一聲蟬殿頭日午搖紈扇

宮女爭來玉座前

嫩荷香撲釣魚亭水面文魚作隊行宮女齊一作競來池

畔一作面看傍簾呼喚勿高聲

新翻酒令著詞章侍宴初聞憶一作開意却忙宣使近臣傳

賜本書家院裏徧抄將

寒食清明小殿旁綵樓雙夾鬪雞場內人對御分明看

先睹紅羅被十一作滿擔牀

寢殿門前曉色開紅泥藥樹間花栽君王未起翠簾捲

又發宮人一作女更番上直來

海棠花發盛春天
游賞無時引御筵
遶岸結成紅錦帳
暖枝猶拂畫樓船

日晚

一作曉日

宮人外按回
自牽驄馬出林隈
御前接得高

叉手射

一作時

得山雞喜進來

朱雀門高花外開
球場空濶淨塵埃
預排白兔兼蒼狗
等候君王按鵲來

會仙觀內玉清壇
新點宮人作女冠
每度駕來羞不出
羽衣初著怕人看

老大初教學

一作

道人鹿皮冠子澹黃裙後宮歌舞今

拋擲每日焚香事老君

法雲寺裏中元節又是官家誕降

一作降誕

辰滿殿香花爭

供養內園先占得鋪陳

金章紫綬選高班每每東頭近聖顏才藝足當恩寵別

只堪

一作看

供奉一場閑

內人深夜學迷藏徧遶花叢水岸傍乘興忽

一作或

來仙

洞裏大家尋覓一時忙

小院珠簾著地垂
院中排比不相知
羨他鸚鵡能言語

窗裏偷教鸚鵡兒

島一作窗樹高低約浪痕
苑一作島中斜日欲黃昏
樹頭木

刻雙飛鶴蕩起一作遠漾晴空映水門

大臣承寵賜新莊
梔子園東柳岸傍
今一作每日聖恩親

一作新幸到板橋頭是讀書堂

樹葉初成鳥護一作出窠
石榴花裏一作底笑聲多
衆一作舞

中遺却金釵子
拾得從他要贖賞一作麼
以下二十一首一作王建詩

小殿初成

一作新裝

粉未

一作欲

乾貴妃姊妹自來看為逢好

日先移入續向街

一作階

西索牡丹

內人相續報花開准擬君王便看來逢

一作縫

著五弦琴

一作紅

繡袋宜春院裏按歌回

巡吹慢遍不相和暗數看誰

一作看誰人

曲校多明日梨花

園

一作園花

裏見先須逐

一作直

得內家歌

黃金合裏盛紅雪重結香羅四出花一一傍邊書勅字

中官

一作分明

送與大臣家

宮人早起一作拍手笑相呼不識堦一作庭前掃地夫乞與金

錢爭借問外頭還似此間無

小隨阿姊一作不隨阿妹學吹笙見好一作見君王賜一作乞與一作

賜乞名夜拂玉牀朝把鏡黃金殿外一作堦下不教行

日高殿裏有香煙萬歲聲長動九天妃子院中初一作新

降誕內人爭乞一作分得洗兒錢

宮花不共一作與外花一作邊同正月長生一作先一半一作朵

紅供御櫻桃看守別直無鴉鵲到園中

殿前鋪設兩邊樓寒食宮人步打球一半走來爭一作齊

跪拜上棚先謝得頭籌

大儀前日暖房來囑向朝

一作昭

陽乞藥裁勅賜一窠紅

躑躅謝恩未了奏花開

御一作牀

前新一作謝

賜紫羅襦步步

一作不下

金堦上軟輿宮

局總來為喜樂院中新拜內尚書

鸚鵡誰教轉舌關內人手裏養來姦語多更覺

一作近更承

恩澤數對君王憶隴山

分朋明一作閑坐賭櫻桃收却投壺玉腕勞各把沈香雙

陸子局中鬪累阿誰高

禁寺紅樓內裏通笙歌引駕夾城東一作香山引裏頭

宮監堂一作蕃女簾前立手把牙鞘竹彈弓

舞來汗溼羅衣徹樓上人扶下玉梯歸到院中重洗面

金花盆一作盆水裏潑銀一作紅泥

宿妝殘粉未明天總立一作在昭陽花樹邊寒食內人長

白打庫中先散與金錢

衆中偏一作愛

得君王笑

一作喚

偷把金箱筆硯開書破紅

蠻隔子上旋推

一作催

當直美

一作內

人來

水中芹葉土中花拾得還將避衆家

一作艾心芹葉初生小祇鬪時新不

鬪總待別人

一作大家

般數盡袖中拈出

一作拾得鬱金芽

玉簫改調箏移柱

一作纖指

催換

一作起

紅羅繡舞筵未戴

一作著

柘枝花帽子兩行宮監在簾前

窗窗戶戶院相當總有珠簾玳瑁牀雖道君王不來宿

帳中長是炷牙

一作衙

香

一作帳中長下著香囊

[illegible]

御定全唐詩卷七百九十八

欽定四庫全書薈要卷一萬八千二百四

集部

御定全唐詩卷七百九十九

楊容華

楊容華華陰人炯之姪女詩一首

新妝詩

啼

一作宿一作林

鳥驚眠罷房櫳乘曉

一作曙色

開鳳釵金作縷鸞

鏡玉為臺妝似臨池出人疑向月

一作月下

來自憐終不見

一作方未已欲去復裴回

魏氏

魏氏求己之妹詩一首

贈外

浮萍依綠水弱蔦寄

一作附

青松與君結大義移天得所

從翰林無雙鳥劒水不分龍諧和類琴瑟堅固同膠漆

義重恩欲深夷險貴如一本自身不令積多嬰痛疾朝

夕倦牀枕形體恥巾櫛遊子倦風塵從官初解巾束裝

赴南郢脂駕出西秦比翼終難遂銜雌苦未因徒悲楓

岸遠空對柳園春男兒不重舊丈夫多好新新人喜新
聘朝朝臨粉一作實鏡兩鴛鴦固無比雙蛾誰與競詎憐愁
思人銜啼嗟薄命薜華不足恃松枝有餘勁所願好一作存
九思勿令虧百行

喬氏

喬氏馮翊人左司郎中知之之妹詩一首

詠破簾

已漏風聲罷一作擺

繩持也不禁一從經落後一作節

無復

有貞心

七歲女子

女子南海人詩一首

送兄

武后召見令賦送兄詩應聲而就

別路雲初起離亭葉正飛

一作稀

所嗟人異鴈不作一行

歸

一作飛

林氏

林氏濟南人隰城丞薛元曖妻也元曖早卒林博涉五

經有母儀令德訓其子彥輔彥國彥偉彥雲及姪據摠
播竝登進士第衣冠榮之詩一首

送男左貶詩

一作送男
彥輔左貶

他日初投杼勤王在飲冰有辭期不罰積毀竟

一作許

相

仍謫官今何在銜冤猶未勝天涯分越徼驛騎

一作驟

速

毘陵腸斷腹非苦書傳寫豈能淚添江水遠心劇海雲

蒸明月珠難識甘泉賦可稱但將忠報主何懼點青蠅

趙氏

趙氏冠坦母也詩三首

古興

鬱蒸夏將半暑氣扇飛閣驟雨滿空來當軒卷羅

一作簾

幕度雲開夕霽宇宙何清廓明月流素光輕風換炎鑠

孤鷺傷

一作相

對影寶瑟悲別鶴君子去不還遙

一作搖心

欲何託

金菊延清霜玉壺多美酒良人猶獨

一作獨

不歸芳菲豈常

有不惜芳菲歎但傷別離久含情罷斟酌凝怨對窗牖

霽雪舒長野寒雲半幽

一作伴秋

谷巖風振枯條猿啼

一作援啼

抱冰木所嗟遊宦子少小荷天祿前程未云至悽愴對

車僕歲寒成詠歌日暮棲林樸

一作曲

不憚行險道

一作路險

空悲年運促

郭紹蘭

郭紹蘭長安人巨商任宗妻也詩一首

寄夫

任宗賈湘中數年不歸紹蘭作詩繫於燕足時宗在荊州燕忽泊其肩見足繫書解

視之乃妻所寄也感泣而歸

我壻去重湖臨窗泣血書殷勤憑燕翼寄與薄情夫

王韞秀

王韞秀河西節度使忠嗣女宰相元載妻也詩三首

同夫遊秦

韞秀歸載歲久家貧見輕妻族因同夫入秦求舉

路掃飢寒跡天哀志氣人休零離別淚攜手入西秦

夫入相寄姨妹

載拜相韞秀銜宿恨寄姨妹

相國已隨麟閣貴家風第一右丞詩笄年解笑鳴機婦

恥見蘇秦富貴時

喻夫阻客

載相肅代兩朝貴盛無比賓客
候門或多間阻復為詩喻之

楚竹燕歌動畫梁春蘭

一作更闌

重換舞衣裳公孫開閣

一作

館

招嘉

一作佳

客知道浮榮

一作雲

不久長

張夫人

張夫人楚州山陽人戶部侍郎吉中孚妻也詩五首

古意

轆轤曉轉素絲綆桐聲夜落蒼苔埽
涓涓吹溜若時雨
濯濯佳蔬非用天
丈夫不解此中意
抱甕當時徒自賢

拜新月

拜新月拜月出

一作畫

堂前暗魄初

一作深

籠桂虛弓未引

弦拜新月拜月妝樓上鸞鏡始

一作未

安臺蛾眉已相向

拜新月

一本無此三字

拜月不勝情庭花

一作前

風露清月臨人

自老人望月長明

一作望月更長生

東家阿母亦拜月一拜一

悲聲斷絕昔年拜月逞容輝

一作儀

如今拜月雙淚垂回

看衆女拜新月却憶紅閨

一作閨中

年少時

柳絮

靄靄芳春朝雪絮起青條或值花同舞不因風自飄過
尊浮綠醕拂幌綴紅綃那用持愁翫春懷不自聊

拾得韋

一作華

氏花鈿以詩寄贈

今朝妝閣前拾得舊花鈿粉污痕猶在塵侵色尚鮮曾
經纖手裏拈向翠眉邊能助千金笑如何忍棄捐

誚喜鵲

疇昔鴛鴦侶朱門賀客多如今無此事好去莫相過

句

遊蜂乍起驚落墀黃鳥銜來却上枝

柳絮

臨風重回首

掩淚向庭花

寄遠

鏡中春色老枕前秋夜長

詠淚以上見吟窗雜錄

王氏

王氏太原人永福潘令之妻詩一首

書石壁

王氏隨夫宰永福任滿祖餞留連累日王先解舟泊五里汰王灘下俟久不至

月夜登岸題詩石壁末署太原族望歲久詩漫滅獨太原二字入石邑人因以名其灘

何事潘郎戀別筵歡情未

一作不

斷妾心懸汰王灘下相

思處援叫山

一作空

山月滿船

裴淑

裴淑字柔之元稹繼室詩一首

荅微之

稹自會稽到京未踰月出鎮武昌
裴難之稹賦詩相慰裴亦以詩荅

侯門初擁節御苑柳絲新不是悲殊命唯愁別近親黃

鶯遷古木朱

一作珠

履從清塵想到千山外滄江正暮春

趙一作劉氏

趙氏洹水人杜羔妻也詩四首

夫下第

一作杜羔不第將至家寄

良人的的有奇才何事年年被放回如今妾面羞君面

君若

一作到

來時近夜來

別本有代羔贈詩云澹澹春風花落時不堪愁望更相思無金

可買長門賦有恨空吟團扇詩

雜言寄杜羔

君從淮海遊再過蘭杜

一作杜蘭

秋歸來未

一作不

須臾又欲

向梁州梁州秦嶺西棧道與雲齊羌蠻

一作虜

萬餘落矛

戟自高低也念寡儔侶復慮勞攀躋丈夫重志氣兒女

空悲啼臨邛滯遊地肯顧濁水泥人生賦命有厚薄君

但一作自遨遊我寂寞

聞夫杜羔登第

一作聞杜羔登第又寄

長安此去無多地鬱鬱蔥蔥佳氣浮良人得意正年少
今夜醉眠何處樓

雜言

上林園中青青桂折得一枝好夫壻杏花如雪柳垂絲
春風蕩颺不同枝

張氏

張氏袁州人評事彭伉妻詩二首

寄夫

貞元中伉登第辟江西幕不歸張以詩寄之

久無音信到羅幃
路遠迢迢遣問誰
聞君折得東堂桂
折罷那能不暫歸

驛使今朝過五湖
殷勤為我報狂夫
從來誇有龍泉劍

試割相思得斷無

彭伉答妻詩云莫訝相如獻賦遲錦書誰道淚霑衣不須化作山頭石待

我東堂折桂枝

薛韞

一作蘊

薛一作蔣 韞字馥彥輔孫女也詩三首

贈鄭女郎一作鄭氏妹

豔陽灼灼河洛神珠簾繡戶青樓春能彈箏候弄纖指
愁殺門前少年子笑開一面紅粉妝東園幾樹桃花死
朝理曲暮理曲獨坐窗前一片玉行也嬌坐也嬌見之
令人魂魄一作暗銷堂前錦褥紅地鑪綠沈香榼傾屠蘇
解佩時時歇歌管芙蓉帳裏蘭麝滿晚起羅衣香不斷
滅燭一作滅每嫌秋夜短

古意

昨夜巫山中

一作雲

失却陽臺女朝來香閣裏

一作今朝香閣前

獨伴楚王語

贈故人

昔別容如玉今來鬢若絲
淚痕應共見腸斷阿誰知

句

寂寞相思處雕梁落燕泥

春閨曲見吟窗雜錄

楊德麟

楊德麟司農少卿敬之之小女也詩一首

題奉慈寺

寺本號國夫人宅後為駙馬郭曖第
升平公主薨追福置寺德麟年十三

以六韻題之今
存警句二韻

日月金輪動旃檀碧樹秋塔分鴻鴈翅鐘挂鳳凰樓

崔氏

崔氏校書郎盧某妻詩一首

述懷

校書要崔時年已暮崔
微有愠色賦詩述懷

不怨盧郎年紀大不怨盧郎官職卑自恨妾身生較晚

不及盧郎年少時

陳玉蘭

陳玉蘭吳人王駕妻也詩一首

寄夫

一作王駕詩
題云古意

夫戍邊關妾在吳西風吹妾妾憂夫一行書信千行淚
寒到君邊衣到無

薛媛

薛媛濠梁人南楚材妻也詩一首

寫真寄夫

南楚材旅遊陳受頴救之眷欲以女妻之楚材許諾因託言有訪道行不

復返舊薛媛善畫妙屬文微知其意對鏡圖形為詩寄之楚材大慙遂歸偕老里人為語稱之

欲下丹青筆先拈寶鏡寒已經

一作驚

顏索寞漸覺鬢凋

殘淚眼描將

一作來

易愁腸寫出難恐君渾忘却時展畫

圖看

里人語云當時婦棄夫今日夫棄婦若不逞丹青空房應獨守

孫氏

孫氏樂昌

一作安

人進士孟昌期妻也善詩每代夫作一

日忽曰才思非婦人事遂焚其集詩三首

聞一作聽琴

玉指朱弦軋復清
湘妃愁怨最難聽
初疑颯颯涼風勁
一作動
一作至
又似蕭蕭暮雨零
近比流泉來碧嶂
遠如玄鶴

下青冥
夜深彈罷堪惆悵
露溼叢蘭月滿庭

白蠟燭詩

代夫贈人

景勝銀缸香比蘭

一作自占清香勝蕙蘭

一條白玉偏人寒
他時

紫禁春風夜醉草
天書仔細看

謝人送酒

一作代謝崔家郎君送酒

謝將清酒寄愁人澄澈甘香氣味真好是綠窗風

一作明

月夜一杯搖蕩

一作動

滿懷春

張立本女

草場官張立本女少未讀書忽自吟詩立本隨口錄之
詩一首

詩

危冠廣袖楚宮妝獨步閒庭逐夜涼自把玉簪敲砌竹
清歌一曲月如霜

侯氏

侯氏邊將張揆

一作睽

妻也詩一首

繡龜形詩

揆為邊將防戎十餘年不歸侯為迴文詩繡作龜形詣闕上之武宗覽詩

勅揆還鄉并賜侯絹三百疋

睽離已是千秋

一作年

強對鏡那堪重理妝聞鴈幾迴修

尺素見霜先為製衣裳開箱疊練先垂淚拂杵調砧更斷腸繡作龜形獻天子願教征客早還鄉

慎氏

慎氏毘陵儒家女也適蘄春嚴灌夫無子被出慎以詩
訣灌夫感而留之詩一首

感夫詩

一作與夫訣
一作留別

當時心事已相關雨散雲飛一作收一餉間便是孤帆從

此去不堪重上一作過望夫山

薛瑤

薛瑤東明國人左武衛將軍承沖之女嫁郭元振為妾

詩一首

謠

一作返俗謠薛氏年十五剪髮出家六年為謠云云遂返初服歸郭

化雲心兮思淑貞洞寂滅兮不見人
瑤草芳兮思芬藍

一作氲將奈何兮青春

王霞卿

王霞卿藍田人會稽宰韓嵩之妻嵩死霞卿流落會稽
嘗題詩唐安寺進士鄭殷彝和詩求謁霞卿答詩拒之
詩二首

題唐安寺閣壁

并序

瑯琊王氏霞卿光啟三年陽春二月登於是閣臨
軒軫恨覩物增悲雖看煥爛之花但比淒涼之色
時有輕綃捧硯小玉看題

春來引步暫尋遊愁見風光倚

一作恨覩
煙霄簇

寺樓正好開

懷對煙月

一作舉目盡
為停待景

雙眉不覺自如鉤

鄭殷彞和詩
云題詩仙子

此曾遊應是尋春別鳳樓賴得
從來未相識免教錦帳對銀鉤

答鄭殷彞

君是煙霄折桂身聖朝方切用儒珍正堪西上文場戰

空向途中泥婦人

竇梁賓

竇梁賓夷門人盧東表侍兒也詩二首

喜盧郎及第

曉妝初罷眼初睵小玉驚人踏破席手把紅箋書一紙
上頭名字有郎君

雨中看牡丹

東風未放曉泥乾紅藥花開不奈寒待得天晴花已老

不如攜手雨中看

任氏

任氏蜀尚書侯繼圖妻詩一首

書桐葉

繼圖讀書大慈寺忽桐葉飄墜上有詩句後數年卜婚任氏方知桐葉句乃任

氏在左
綿書也

拭翠欽蛾

一作雙

眉鬱

一作為

鬱心中事搦管

一作桐葉

下庭除

書成

一作我

相思字此字不書石此字不書紙書在桐

一作

秋向葉上願逐秋風起天下有心人盡解相思死天下負

心人不識相思字有心與負心不知落何地

黃崇嘏

黃崇嘏臨邛人因事下獄貢詩蜀相周庠庠薦攝司戶
參軍政事明敏庠愛其才欲妻以女嘏作詩辭婚庠得
詩大驚問之乃黃使君女也詩二首

下獄貢詩

偶辭

一作離

幽隱在

一作佳

臨邛行止堅貞比澗松何事政

清如水鏡絆他野鶴在深籠

辭蜀相妻女詩

一作辭婚

一辭拾翠碧江湄
貧守蓬茅但賦詩
自服藍衫居郡掾
永拋鸞鏡畫蛾眉
立身卓爾青松操
挺志鏗然白璧姿
幕府若容為坦腹
願天速變作男兒

蔣氏

蔣氏吳越時湖州司法參軍陸濛妻也性耽酒善屬文
詩一首

荅諸姊妹戒飲

蔣以嗜酒成疾姊妹勸其節飲加餐應聲吟荅

平生偏好酒勞爾勸吾餐但得杯

一作尊

中滿時光度不

難

周仲美

周仲美成都人適李氏詩一首

書壁

仲美隨夫金陵幕夫因事棄官入華山仲美求歸未得會舅從泗調任長沙載之而

南因書所懷於壁

愛妾不愛子為問此何理棄官更棄妻人情寧可已永
訣泗之濱遺言空在耳三載無朝昏孤幃淚如洗婦人

義從夫一節誓生死江鄉感殘春腸斷晚煙起西望太
華峰不知幾千里

張文姬

張文姬鮑參軍妻也詩四首

溪口雲

溶溶

一作一片

溪口雲纔向溪中吐不復歸溪中還作溪中

一作雨頭

池上竹

此君臨此池枝低水相近碧色綠波中日日流不盡

沙上鷺

沙頭一水禽鼓翼揚清音只待高風便非無雲漢心

雙槿樹

綠影競扶疎紅姿相照灼不學桃李花亂向春風落

程長文

程長文鄱陽人詩三首

獄中書情上使君

長文為強暴所誣繫獄獻詩雪寃

妾家本住鄱陽曲一片貞一作堅心比孤竹當年二八盛

容儀

一作輝

紅箋草隸恰如飛盡日間窓刺繡坐有時極

浦採蓮歸誰道居貧守都邑幽閨

一作居

寂寞無人識海

燕朝歸衾枕

一作枕席

寒山花夜落階墀溼強暴之男何所

為手持白刃向簾幃一命任從刀下死千金豈

一作不

受

暗中欺我心匪石情難轉志奪秋霜意不移血濺羅衣

終不恨瘡黏錦袖亦何辭縣僚曾未知情緒即便教人

繫囹圄朱脣滴瀝獨銜冤玉筍闌干歎非所十月寒更

堪思

一作更愁

人一聞擊折一傷神高髻不梳雲已散蛾眉

罷

一作淡

歸月仍新三尺嚴章難

一作馬

可越百年心事向

誰說但看洗雪出園扉始信白圭無玷缺

銅雀臺怨

君王去後行人絕簫箏

一作箏

不響歌喉咽雄劍無威光

彩沈寶琴零落金星滅玉階寂寞

一作寂

墜秋露月照當

時歌舞處當時歌舞人不迴化為今日西陵灰

春閨怨

隋陌香飄柳如線時光瞬息如一作驚流電良人何處事
功名十載相思不相見

御定全唐詩卷七百九十九

謹案卷七百九十六第二頁前六行妾如有異意
刊本有訛無今改

卷七百九十六第五頁前五行三峽無猿客有愁
按有字疑訛

卷七百九十七第一頁後四行結取後生緣按別
本結取作重結

卷七百九十九第二頁前二行朝朝臨粉鏡按別
本粉作妝

第三頁前六行腸斷腹非苦按別本腹非作復何
第三頁後二行古興按別本作擬古

第五頁前一行喻夫阻客按別本作諫外

第七頁前五行未履從清塵按別本從作從

欽定四庫全書

總校官庶吉士臣張能照

校對官庶吉士臣許兆椿

校對官中書臣張塤

謄錄舉人臣羅步雲

謄錄監生臣周嘉猷

欽定四庫全書薈要

集部

御定全唐詩卷

八百至
八百四


詳校官原任主事臣李斯咏

欽定四庫全書薈要卷一萬八千二百五

集部

御定全唐詩卷八百

柳氏


柳氏李生姬也天寶中韓翃館於李柳曰韓夫子豈長
貧賤者李即以贈翃翃為淄青侯希逸所辟柳留都下
遭亂寄決靈寺為尼為番將沙叱利所劫虞候許俊以
計取之復歸於翃詩一首

答韓翃

楊柳枝芳菲節可

一作所

恨年年贈離別一葉隨風忽報

秋縱使君來豈堪折

程洛賓

程洛賓長水人京兆參軍李華侍兒安史亂後失所在
華後為江州牧登庾樓見其在舟中鼓胡琴問之乃岳
陽王氏舟也賁幣贖歸詩一首

歸李江州後寄別王氏

魚鴈回時寫報音難憑判蓀數年心雖然情斷沙叱後

爭奈平生怨恨深

紅綃妓

紅綃大歷中勳臣家妓也勳臣疾崔生往省勳臣令妓
送出院妓指鏡隱語家奴磨勒曰此可致也夜負生逾
重垣入其院見妓獨坐吟詩遂負生與妓俱出守禦無
有覺者詩一首

憶崔生

一作
生吟

深洞

一作
谷

鶯啼恨阮郎偷來花下解
珠璫碧雲飄斷音

書絕空倚玉簫愁鳳皇

崔生詩云誤到蓬萊頂上遊明瑞玉女動星眸朱扉半掩深宮

月應照瓊

枝雪豔愁

晁采

晁采小字試鶯大歷時人少與鄰生文茂約為伉儷及
長茂時寄詩通情采以蓮子達意墜一於盆踰旬開花
晝蒂茂以報采乘間歡合母得其情歎曰才子佳人自
應有此遂以采歸茂詩二十三首

寄文茂

花箋製葉寄郎邊的的尋魚爲妾傳並蒂已看靈鵲報

倩郎早覓買花船

文茂春日寄采詩云美人心共石頭堅翹首佳期空黯黯安得千金遺侍

者一燒鵲腦繡房前

曉來扶病鏡臺前無力梳頭任髻偏消瘦渾如江上柳東風日日起還眠旭日瞳瞳

破曉靄遙知妝罷下芳階那能化作桐花鳳一集佳人白玉釵孤燈纔滅已三更窗雨無聲雞又鳴此夜相

思不成夢空懷一夢到天明答采贈髮詩云几上金貌靜不焚匡牀愁卧對斜暉犀梳金鏡人何處半枕蘭

香空
綠雲

秋日再寄

珍簾生涼夜漏餘夢中恍惚覺來初魂離不得空成病

面見無由浪寄書窗外江村鐘響絕枕邊梧葉雨聲疎
此時最是思君處腸斷寒猿定不如茂荅采詩云忽見西風起洞房盧家
何處鬱金香文君未奔先成渴顙頊初逢已自傷懷夢
欲尋愁落葉忘憂將種恐飛霜惟應分付春天月共聽
淋頭漏漸長

春日送夫之長安

思

一作夫

君遠別妾心愁踏翠江邊送畫舟欲待相看遲

此別只憂紅日向西流

雨中憶夫

采家畜一白鶴名素素一日雨中忽憶其夫謂鶴曰昔王母青鸞結蘭紫

燕皆能寄書遠達汝獨不能乎鶴延頸向采若
受命狀采即援筆直書二絕繫於鶴足竟致其
夫

窗前細雨日啾啾妾在閨中獨自愁何事玉郎久離別
忘憂總對豈忘憂

春風送雨過窗東忽憶良人在客中安得妾身今似雨
也隨風去與郎同

子夜歌十八首

儂既剪雲鬟郎亦分絲髮寬向無人處綰作同心結

夜夜不成寐擁被啼終夕郎不信儂時但看枕上跡
何時得成匹離恨不復牽金針刺齒齒夜夜得見蓮
相逢逐涼候黃花忽復香蟬看臘月露愁殺未成霜
明窗弄玉指指甲如水晶翦之特寄郎聊當攜手行
寄語閨中娘顏色不常好含笑對棘實歡娛須是棗
良會終有時勸郎莫得怒薑蘗畏春蠶要綿須辛苦
醉夢幸逢郎無奈烏啞啞中山如有酒敢惜千金價
信使無虛日玉醞寄盈觥一年一日雨底事太多晴

繡房擬會郎四窗日離手自施屏障恐有女伴窺
相思百餘日相見苦無期褰裳摘藕花要蓮敢恨池
金盃盥素手焚香誦普門來生何所願與郎爲一身
花池多芳水玉杯挹贈郎避人藏袖裏溼却素羅裳
感郎金鍼贈欲報物俱輕一雙連素縷與郎聊定情
寒風響枯木通夕不得卧早起遣問郎昨宵何以過
得郎日嗣音令人不可覩熊膽磨作墨書來字字苦
輕巾手自製顏色爛含桃先懷儂袖裏然後約郎腰

儂贈綠絲衣郎遺玉鈎子郎欲繫儂心儂思著郎體

崔鶯鶯

崔鶯鶯貞元中隨母鄭氏寓居蒲東佛寺有張生者與之賦詩贈荅情好甚暱詩三首

荅張生

一作明月
三五夜

待月西廂下迎風戶半開拂牆花影動疑是玉人來

寄詩

一作絕
微之

自從銷瘦減容光萬轉千迴嬾下牀不為傍人羞不起

爲郎憔悴却羞郎

告絕詩

棄置今何道當時且自親
還將舊來意憐取眼前人

步非煙

步非煙河南功曹武公業妾也鄰生趙象以詩誘之非
煙荅以詩象因踰垣相從事露咎死詩四首

荅趙子

一作寄詩
荅趙象

綠慘雙蛾不自持只緣幽恨在新詩
郎心應似琴心怨

脈脈春情更泥誰

又答趙象獨坐

一作寄贈
蟬錦香囊

無力嚴妝倚繡櫳
暗題蟬錦思難窮
近來贏得傷春病
柳弱花敝怯曉風

寄懷

畫簷一作梁春燕須同宿
蘭浦雙鴛肯獨飛
長恨桃源諸

女伴等閒花裏送郎歸

答趙象

相思只恨難

一作怕不相見

識

一作

相見還愁却別君願得化

為松上鶴一隻飛去入行雲

趙象寄非煙詩云一睹傾城貌塵心只自猜不隨蕭

史去擬學阿誰未謝非煙詩云珍重佳人惠好音箋
芳翰兩情深薄於蟬翼難供恨密似蠅頭未寫心疑是
落花迷碧洞又思輕雨灑幽襟百回消息千回夢裁作
長謠寄綠琴無報音懷非煙詩云綠暗紅藏起暝煙獨
將幽恨小庭前沈沈良夜與誰語星隔銀河月半天謝
非煙贈連蟬錦香囊詩云見說傷情為見春愁封蟬錦
綠蛾顰叩頭與報卿卿道第一風流最損人歡會後贈
非煙詩云十洞三清雖路阻有心還得傍瑤臺瑞香風
引思深夜知是
藥官仙馭來

崔紫雲

崔紫雲尚書李愿妓也愿在東都時會朝士杜牧以御史分司輕騎徑往引滿三爵問曰聞有紫雲者孰是愿指示之牧曰名不虛傳宜以見惠復引滿高吟旁若無人愿遂以贈紫雲臨行獻詩而別詩一首

臨行獻李尚書

從來學製

一作得

斐然詩

一作詞

不料

一作意

霜臺御史知忽

見便教隨命去戀恩腸斷出門時

姚月華

姚月華嘗夢月墜妝臺覺而大悟聰慧過人少失母隨父寓楊子江見鄰舟書生楊達詩命侍兒乞其稿達立綴豔詩致情自後屢相酬和會其父有江右之行踪跡遂絕詩六首

怨詩效徐淑體

妾生兮不辰盛年兮逢屯寒暑兮心結夙夜兮眉顰循環兮不息如彼兮車輪車輪兮可歇妾心兮焉伸雜沓兮無緒如彼兮絲棼絲棼兮可理妾心兮焉分空閨兮

岑寂妝閣兮生塵萱草兮徒樹茲憂兮豈泯幸逢兮君
子許結兮殷勤兮香兮翦髮贈玉兮共珍指天兮結誓
願為兮一身所遭兮多舛玉體兮難親損餐兮減寢帶
緩兮羅裙菱鑑兮慵啟博鑪兮焉熏整襪兮欲舉塞路
兮荆榛逢人兮欲語韃匝兮頑器煩冤兮憑胸何時兮
可論願君兮見察妾死兮何瞋

製履贈楊達

金刀翦紫絨與郎作輕履願化雙仙鳧飛來入閨裏

有期不至

銀燭清尊久延佇
出門入門天欲曙
月落星稀竟不來
煙柳朧腫鵲飛去

怨詩寄楊達

一作古怨

春

江一作

水悠悠
春草綠
對此思君淚相續
羞將離恨向

東風理盡秦箏

一作瑶琴

不成曲

與君形影分
吳越玉枕經

一作終

年對離別登臺

一作高

北

望煙雨深回身
泣向寥天月

楚妃怨

梧桐葉下黃金井橫架轆轤牽素綆美人初起天未明
手拂銀瓶秋水冷

孟氏

孟氏本壽春妓歸維揚萬貞為妻詩二首

獨遊家園

貞實於外孟氏春日獨遊家園忽有美少年踰垣而入賦詩贈答遂私焉

逾年夫歸少年曰吾固知其不久也言訖騰身而去

可惜春時節依前獨自遊無端兩行淚長只

一作祇對花

流

荅少年

誰家少年兒心中暗自欺不道終不可可即恐即知

趙氏

趙氏南海人房千里初第遊嶺徼舉子韋滂自南海攜
趙來擬為房妾房倦於遊未得遽與趙偕及後遣人訪
之趙已從韋矣詩一首

寄情

一作許
渾代作

春風白馬紫絲韁正值蠶娘未採桑五夜有心隨暮雨
百年無節抱秋霜重尋繡帶朱藤合却忍羅裙碧草長
為報西遊減離恨阮郎纔去嫁劉郎

李節度姬

李節度有寵姬元夕以紅綃帕裹詩擲於路約得之者
來年此夕會於相藍後門官子張生得之如期而往姬
與生偕逃於吳詩三首

書紅綃帕

囊裏真香誰見竊
絞綃滴淚染成紅
殷勤遺下輕綃意
好與情郎懷袖中

金珠富貴吾家事
常渴佳期乃寂寥
偶用志誠求雅合

良媒未必勝紅綃

張生和姬詩云自覩佳人遺贈物書窗終日獨無聊未能得會真仙面時

看香囊與絳綃

會張生述懷

門前畫戟尋常設
堂上犀簪取次看
最是惱人情緒處
鳳皇樓上月華寒

崔素娥

崔素娥韋洵美妾鄴都羅紹威辟洵美為從事素娥隨
行紹威聞其姝麗逼獻之素娥為詩以別其夜洵美獨
宿長吁有同行者問知其事歔然而去至三更以皮囊
貯素娥至洵美遂挾以他遁詩一首

別韋洵美詩

妾閉閒房君路歧妾心君恨兩依依神魂倘遇巫娥伴

猶逐朝雲暮雨歸

韋洵美答素娥詩云別恨離羣自古
聞此心難捨意難論承恩必若頒時

服莫使霑
濡有淚痕

鮑家四弦

四弦鮑生妾也鮑多蓄聲伎外弟韋生好乘駿馬遇於
歷陽鮑置酒酒酣密遣四弦歌以送酒韋牽紫叱撥酬
之詩二首

送韋生酒

白露溼庭砌皓

一作素

月臨前軒此時去留恨含思獨無

言

送鮑生酒

風颭荷珠難暫圓多情信有短姻緣
西樓今夜三更月還照離人泣斷弦

韓續姬

南唐僕射韓續請韓熙載撰父神道碑奉一歌妓潤筆
文成但叙譜系品秩續乞改竄熙載還其所贈姬因題
詩泥金雙帶而去詩一首

贈別

風柳搖搖無定枝
陽臺雲雨夢中歸
他年蓬島音塵絕
留取尊前舊舞衣

御定全唐詩卷八百